



**basic education**

Department:  
Basic Education  
**REPUBLIC OF SOUTH AFRICA**

**SENIOR CERTIFICATE EXAMINATIONS/  
NATIONAL SENIOR CERTIFICATE EXAMINATIONS**

**SESOTHO PUO YA LAPENG (HL)**

**PAMPIRI YA BOBEDI (P2)**

**2023**

**TATAISO YA HO TSHWAYA**

**MATSHWAO: 80**

**Tataiso ena ya ho tshwaya e na le maqephe a 24.**

**TATAISO YA HO TSHWAYA:**

- Ha mohlahlobuwa a arbile dipotso tse ngata ho feta palo e behilweng, tshwya feela karabo ya pele (**Mohlahlobuwa ha a lokela ho araba potso e telele le dipotso tse kgutshwane mofuteng o le mong wa sengolwa**).
- Haeba a arbile dipotso ka bone ba tsona dithothokisong tseo a ithutileng tsona KAROLONG YA A, (dithothokiso tseo a di rutilweng) tshwya feela dipotso tse pedi tsa pele.
- Haeba a arbile dipotso tse pedi tsa mofuta wa dipotso tse kgutshwane kapa a arbile tse pedi tsa mofuta wa dipotso tse telele KAROLONG YA B le ya C, tshwya karabo ya pele, mme o tlohele ya bobedi. Athe ha a arbile dipotso ka bone ba tsona, tshwya karabo ya pele ho karolo e nngwe le e nngwe ha feela a arbile e le nngwe ya dipotso tse kgutshwanyane le e le nngwe ya dipotso tse telele.
- Ha mohlahlobuwa a nehelane ka dikarabo tse pedi, ya pele e fosahetse, mme ya bobedi yona e nepahetse, tshwya karabo ya pele, mme o tlohele e e latelang.
- Ha dikarabo di nomorilwe di fosahetse, tshwya ho ya ka memorandamo.
- Haeba mopeleto o fosahetse hoo o thunthetsang moevelo, fosisa karabo e jwalo. Haeba mopeleto o fosahetseng o sa thunthetse moevelo, tshwya karabo eo e nepahetse.

**Potso tse telele:**

- Ha bolelele ba moqoqo bo le ka tlase ho palo ya mantswe e behilweng (kgutshwane), se behe kotlo hobane mohlahlobuwa o se a ntse a ipehile ka mosing. Haeba moqoqo o le molelele haholo, tshwya ho ya ka seo mohlahlobuwa a se ngotseng o nto sekaseka sena le batshwai ba ka sehloohong. **Sebedisa ruburiki ya ho lekanyetsa e leqepheng la 3 le e leqepheng la 8 ho lekanyetsa moqoqo wa mohlahlobuwa.**

**Dipotso tse kgutshwane:**

- Haeba mohlahlobuwa a sa sebedisa matshwao a di-a-bulwa le di-a-kwalwa moo a lokelang ho qotsa, se behe kotlo.
- Bakeng sa dipotso tse bulehileng, se ka aba matshwao bakeng sa E/TJHE kapa KE A DUMELA/KE A HANA. Lebaka/Tshehetso ke yona e lokelang ho abelwa matshwao.
- Ha ho matshwao a ajwang bakeng sa NNETE/MAFOSI kapa NTLHA/MOHOPOLY. Lebaka/Tshehetso ke yona e lokelang ho abelwa matshwao.

**KAROLO YA A: RUBURIKI YA HO LEKANYETSA MOQOQO WA DINGOLWA: THOTHOKISO – SESOTHO PUO YA LAPENG [MATSHWAO A 10]**

Makgetha a ho lekanyetsa	Phihlello e babatsehang	Phihlello e supang bokgoni	Phihlello e mahareng	Phihlello ya motheo feela	Phihlello e haellang
<b>DIKAHARE</b>  Kutlwisiso ya potso, botebo ba tshekatsheko ya taba (sehlooho), kutlwahalo le nnetefatso (tiisetso) ya dintlha ho tswa thothokisong/ temeng.	<b>5–6</b>  -O bontsha kutlwisiso e tebileng ya se botswang  -O hlahisitse dintlha tse fapaneng tse hlwahla; di tshehetswa ho tswa thothokisong.  -Kutlwisiso ke e babatsehang ya mofuta wa sengolwa le thothokiso.	<b>4</b>  -O bontsha kutlwisiso, mme o hlalosa se botswang ka tshwanelo.  -O hlahisitse dintlha tse anelang ka tsela e kgotsofatsang.  -O hlahisitse dintlha tse utlwahalang, empa ha se tsohle tse tisitsweng kamoo ho lokelang.  -O utlwisia mofuta wa sengolwa le thothokiso.	<b>3</b>  -O bontsha kutlwisiso e mahareng ya se botswang.  -O hlahisitse dintlha tse seng kae ho tshehetsa sehlooho.  -Tse ding tsa dintlha tse hlahisitsweng ho tshehetsa sehlooho di ntle.  -Tse ding tsa dintlha di tshehedswe, empa bopaki ha bo kgodise ka nako tsohle.  -Kutlwisiso ya motheo feela ya mofuta wa sengolwa le thothokiso.	<b>2</b>  -O bontsha kutlwisiso e sa kgotsafatseng ya se botswang.  -Ho batla ho se dintlha tse hlahisitsweng ho tshehetsa sehlooho.  -Kutlwisiso ya mofuta wa sengolwa le thothokiso ke e haellang.	<b>0–1</b>  -Ha a bontshe kutlwisiso ya letho ya se botswang.  -Dintlha tse tshehetsang ha di hlahiswe ho tswa thothokisong.  -Mohlahlouwa ha a utlwise hantle mofuta wa sengolwa le thothokiso.
<b>MATSHWAO A 6</b>					
<b>SEBOPEHO LE TSHEBEDISO YA PUO</b>  Sebopoho, nehelano le tlhophiso ya mehopolo. Tshebediso ya puo, sehalo le setaele tse sebedisitsweng	<b>4</b>  -Sebopoho se hlahisitswe ka tsela e momahaneng.  -Dintlha di utullotswe hantle le ho ntshetswa pele ka tsela e hlakileng.  -Tshebediso ya puo, sehalo le setaele ke tse butswitseng, tse susumetsang le ho nepahala.	<b>3</b>  -Sebopoho ke se hlakileng, mme dintlha di hlahisitswe ka tsela e hlalohanyehang,  -Tlhahiso ya mehopolo ke e utlwisisehang.  -Tshebediso ya puo, sehalo le setaele di nepahetse.	<b>2</b>  -O hlahisitse bopaki bo seng bokae ba sebopoho.  -Tlhahiso ya mehopolo e a haella, ha e hlalohanyehe, mme ha e na momahano.  -Diphoso tsa tshebediso ya puo ha se tse kaalo, mme sehalo le setaele ha se tse loketseng.	<b>1</b>  -Sebopoho se bonahala se radilwe ka tsela e fosahetseng.  -Mehopolo ha e hlahiswe ka tsela e hlalohanyehang.  -Sehalo le setaele ha se tse loketseng.	<b>0–1</b>  -Moqoqo o bopehile ka tsela e fokolang.  -Ho na le diphoso tse tshabehang tsa tshebediso ya puo le setaele se fosahetseng.
<b>MATSHWAO A 4</b>					

**ELA HLOKO:** Ha karabo ya mohlahlouwa e tswile lekoteng mme a sa bua ka Dikahare hohang, feela a ngotse moqoqo wa boiqapelo, mo abele 0 bakeng sa dikahare le tshebediso ya puo.

## KAROLO YA A: DITHOTHOKISO

### POTSO YA 1: 'BALA MAHLOHONOLO' – KPD Maphalla

#### TATAISO HO BATSHWAI:

Motshwai a bale nehelano ya mohlahlobuwa e lokelang ho hlahiswa sebopehong sa moqoqo. Sena se bolela hore nehelano e lokela ho ralwa ka tsela ya hore ho be le selelekela, mmele o bopilweng ka diratswana le qetelo. Moqoqo o tlameha ho hlahiswa ka tsela e supang kgokahano le momahano ya dintlha, dipolelo le diratswana. **Motshwai a tshwaye dintlha tse tharo feela tsa kgetho ya mantswe tse hlahiswang ke mohlahlobuwa.**

Motshwai a tadime makgetha ana a mabedi a latelang ha a tshwaya moqoqo ona: Dikahare le Sebopeho le Tshebediso ya puo.

#### Dikahare

- Dikahare di bontshe kutlwisiso ya potso; botebo ba tshekatsheko ya ditaba, kutlwahalo le nnetefatso (tiisetso) ya taba ka mabaka a itshetlehileng thothokisong.
- Dikahare di hlahiswe ka tsela e momahaneng, mme motshwai a tadime dintlha tse tla hlahiswa nehelanong ya mohlahlobuwa. Ela tlhoko hore dintlha tsa mohlahlobuwa di ke ke tsa behwa ka tatellano e hlahellang mona. Ho be le kgokahano le momahano ya dintlha le diratswana.

#### Sebopeho le Tshebediso ya Puo

- Nehelano e lokela ho hlahiswa sebopehong sa moqoqo, mme sena se bolela hore nehelano e lokela ho ralwa ka tsela ya hore ho be le selelekela, mmele o bopilweng ka diratswana le qetelo.
- Mohlahlobuwa a nehelane ka karabo ya hae e sebopehong sa diratswana tse momahaneng, mme ho be le kgokahano le momahano ya dipolelo le diratswana kamoo ho hlokehang.
- Puo, setaele le sehalo di sebediswe ka nepo temeng.

#### Karabo e ka lebellwang:

##### Selelekela

Thothokisong ena re tlo sekaseka kgetho ya mantswe ho totobatsa kamoo sethothokisi se finyelletsang molaetsa wa sona kateng. **Molaetsa** o finyelletswang ke thothokiso ke hore re ithute ho ananela tsohle tseo re nang le tsona mme re tlohele ho ngongorehiswa ke dintho tse sa tlo re tswela kgomo.

##### Mmele

Seratswana ka seng se be le mohopolo wa sehlooho o buellang kgetho ya lentswe leo a le kgethileng, e se ke ya e ba lethathamo feela la kgetho ya mantswe jwalo kaha le hlahella tataisong mona. **A ntshetse pele moqoqo ka ho bontsha kamoo lentswe ka leng leo a le kgethileng le thusang ho finyelletsa molaetsa wa thothokiso kateng.**

## Kgetho ya mantswe

- Melathothokisong ya 1, 5, 9 le 13 ho sebedisitswe lenseswe '**lese**' bakeng sa 'o **tlohele**' le bolelang ho tlohela ka sepheo sa ho toboketsa hore a kgaohane le ba mo hlekefetsang.
- Melathothokisong ya 1 le 2 ho kgethilwe lenseswe lena '**batlatlapi**' bakeng sa 'bahlekefetsi' ho toboketsa hore ke batho ba utlisang ba bang bohloko.
- Molathothokisong wa 2 ho sebedisitswe lenseswe '**tao**' bakeng sa hore '**ha ho moo ba yang teng**' le toboketsang hore botlatlapi ha bo na mokoka.
- Melathothokisong ya 5, 6 le 7 ho hlahella mantswe '**dinonori**' le '**dikgukguni**' bakeng sa '**motho ya tleng o sa mo hlokomele**' ka sepheo sa ho hlakisa hore batho ba bang ba sala ba bang morao ka morero wa ho ba ntsha kotsi ba sa ba hlokomele.
- Molathothokisong wa 8 ho sebedisitswe lenseswe '**mankwaneng**' bakeng sa '**dilomong**' le hlakisang moelelo wa hore mamena ao dinonori di a tjhekelang batho ba bang ho tla wela tsona ho ona.
- Molathothokisong wa 12 ho sebedisitswe lenseswe '**tshwaswa**' bakeng sa '**pitlwa**' ka sepheo sa ho hatella moelelo wa hore dikgukguni tsena di tla pitlwa ke difi tseo di neng di di tjhehetse batho ba bang.
- Molathothokisong wa 15 ho sebedisitswe lenseswe '**dikaqa**' le hlilosang hore pelo e mafito e tshwereng dikgopi, e kgopo ebole e hlokang le tshwarelo, ha e na kgotso.

### Phethelo

Sethothokisi se lemosa batho ba mekgahlelo e fapaneng hore ba tsebe hore bophelong ba se natse batho kapa dintho tse ba thefulang maikutlo le tse sa ba tsweleng molemo empa ba bale mahlohonolo le ho ananela tsohle tse ntle bophelong ba bona.

[10]

## POTSO YA 2: 'HA SE LEFA' – TM Lethota

- 2.1 E sebedisitswe ka sepheo sa ho kgalema hore re se no ikgantshetsa batho ba bang ka lebaka la tjhebeho ya botle ba rona. ✓ ✓ (2)
- 2.2 O bona e le batho ba babe ba sa bokeheng. ✓ ✓ (2)
- 2.3 Tshusumetso ya kgonyetso ke ho fa lenseswe 'lef' sefutho, mme e botjwa ka lenseswe 'fu' bakeng sa 'lef'.  
E fana ka kgatello ya hore ha moikgantshi a shwele a tsebe hore le batho ba tla ikgantshetsa yena fela jwalo lefung la hae. ✓ ✓  
**[Tshwaya e le nngwe feela.]** (2)
- 2.4 Molaetsa ke hore le ha o na le dintho kapa dineo tse fapaneng o se ke wa ikgantshetsa batho ba bang hobane o ntse o tla ba hloka kaha dineo tseo e se lefa/di tla fela. ✓ ✓ (2)
- 2.5 E, o matlafatsa phoqo ka hore le ha moruihadi eo a e na le tjhelete a ke ke a reka bophelo le kgale. ✓ ✓ (2)

[10]

**POTSO YA 3: 'SE IKGANTSHE!' – TJ Mahapa**

- 3.1 Lebotsi le sebedisitswe ka sepheo sa ho hlahisa kgalemelo e lebiswang ho babadi hore mohlang ba seng ba atlehile ba se ke ba etsa jwalo ka barui bao se buang ka bona. ✓ ✓ (2)
- 3.2 Moelelo o otlolohileng wa molathothokiso oo wa 3 ke hore; ba ipolaile ka bo bona. ✓ ✓ (2)
- 3.3 Mohopolo ke hore bao e neng e le barui mme ba ikgantshetsa batho, ba qetella ba hloka ebole ba tshaba le ho phela le batho. ✓ ✓ (2)
- 3.4 Ke sehalo se lemosang/eletsang. ✓ Se lemosa batho hore ba se ikgantshetse batho ba bang kaha ka le leng ba ka lahlehelwa ke tsohle. ✓  
Sehalo se phoqang. Se phoqa batho ba neng ba ikgantshetsa ba bang nakong eo ba neng ba phela hamonate mme kajeno ba se ba hloka le ya ho phoka boduma. (2)
- 3.5 Ee, ke o eletsang. Ho ya ka nna, molaetsa wa thothokiso ena ke hona ho kgalema le ho eletsa barui hore ba se ke ba-se ikgantshetsa batho hobane ha borui bo fela, ba tla hloka bathusi. ✓ ✓ (2)  
**[10]**

**POTSO YA 4: 'O WA KA, KE WA HAO' – KPD Maphalla**

- 4.1 Lentswe 'sekgojola' le hlakisa kamoo lerato la hae le neng le kgaphatseha kateng jwalo ka phororo e ke keng ya thijwa. ✓ ✓ (2)
- 4.2 Moelelo o otlolohileng wa molathothokiso oo wa 4 ke hore matla a lerato ha a thibeho. ✓ ✓ (2)
- 4.3 Tshebediso ya lehlaso ke ho sidilella mohopolo wa mantswe a reng: 'O wa ka, ke wa hao'; Bobedi re ba Modimo', hore a sale a duma ka kelellong ya mmadi. ✓ ✓ (2)
- 4.4 Karaburetso e meleng ya 15 le 16 e tshehetsa kgopoloo ena ka le reng sethothokisi se re le ha se ka utlwisa bohloko, se ke ke sa arohana le moratuwa wa sona ✓ mme molaetsa wa thothokiso ena ke ho re baratani ha ba a tshwanelo ke ho arohana le ha ho ka etsahala eng kapa eng. ✓ (2)
- 4.5 Thuto eo ke e unneng ke ya hore ha motho a rata e mong, ha a kgathalle ho tshehetswa ke mang kapa mang mme ebole ha a tsotelle dipha tseo batho ba di behang moratuwa wa hae. ✓ ✓ (2)  
**[10]**

**POTSO YA 5: 'MOTHO' – M Leballo**

- 5.1 Ka sepheo sa ho potlakisa morethetho le ho fetisetsa mohopolo o reng dintho tsohle di matsohong a motho, moleng o hlahlamang. ✓ ✓ (2)
- 5.2 Lebotsi le sebedisitswe ka sepheo sa ho hlakisa hore motho o rata ho thusa batho ba ditsietsing. ✓ ✓ (2)
- 5.3 E qholotsa maikutlo a ho ba motlotlo. ✓ Motlotlo o tliswa ke tsebo ya hore motho a ka etsetsa batho ba bang dintle hobane o mohau ebile o lereko. ✓ (2)
- 5.4 Kganyetsano e hlahiswang ke mantswe ana 'lonya' le 'mohau' e sebedisitswe ka sepheo sa ho totobatsa hore motho a ka etsa tse mpe a be a boele a etse tse ntle ka nako e le nngwe. Kganyetsano eo e hlakisa molaetsa wa thothokiso, o reng motho o fetofetoha ho ya ka maemo. ✓ ✓ (2)
- 5.5 E, hobane motho o na le bokgoni ba ho okamela tsohle ka ho etsa bobe, athe a ka boela a okamela tsohle ka ho etsa diketso tse ntle bathong ba bang. ✓ ✓ [10]

**MATSHWAU OHLE A KAROLO YA A:** 30

**KAROLO YA B LE C: RUBURIKI YA HO LEKANYETSA MOQOQO WA DINGOLWA: PADI LE TSHWANTSHISO – SESOTHO PUO YA LAPENG [MATSHWAO A 25]**

Makgetha a ho lekanyetsa	5. Phihlello e babatsehang	4. Phihlello e supang bokgoni	3. Phihlello e mahareng	2. Phihlello ya motheo feela	1. Phihlello e haellang
<b>DIKAHARE</b>  Kutlwisiso ya potso, botebo ba tshekatsheko ya taba (sehlooho), kutlwahalo le nnetefatso (tiisetso) ya dintlha ka mabaka ho tswa sengolweng.	<b>12–15</b>  -Karabelo e hlahisitswe ka tsela e babatsehang: 14–15  -Karabelo e hlahisitswe ka bokgabane: 12–13  -Sehlooho se manollotswe ka botebo  -O hlahisitse dintlha tse fapaneng tse hlwahlwa tse tshehetswang ho tswa sengolweng  -O bontsha kutlwisiso e babatsehang ya sengolwa.	<b>9–11</b>  -O bontsha kutlwisiso, mme o manollotse sehlooho ka bokgoni  -O hlahisitse karabelo e batlang e anela  -Tse ding tsa dintlha ke tse utlwahalang, empa ha se tsohle tse tiisitsweng kamoo ho lokelang  -Bopaki ba kutlwisiso ya mofuta ona wa sengolwa bo a bonahala.	<b>6–8</b>  -Kutlwisiso ke e mahareng ya sehlooho; ha se dintlha tsohle tse utullotsweng ka botlalo  -Tse ding tsa dintlha di tshehetsa sehlooho  -Dintlha tse ding di tshehedsitswe, empa bopaki ha bo kgodise ka nako tsohle  -O bontsha kutlwisiso e ka mmoho ya mofuta ona wa sengolwa.	<b>4–5</b>  -Kutlwisiso ke e haellang ya sehlooho; boholo ba dintlha ha di a utullwa ka botlalo.  -Ke dintlha tse fokolang feela tse tshehetsang sehlooho.  -O hlahisitse dintlha tse seng kae tse tsamaelanang le sehlooho  -O bontsha kutlwisiso e fokolang ya mofuta ona wa sengolwa	<b>0–3</b>  -O bontsha kutlwisiso e fokolang ya sehlooho  -Boiteko bo fokolang ba ho araba potso  -Dintlha ha se tse kgodisang  -Mohlahllobuwa ha a utlwisise hantle mofuta ona wa sengolwa.
<b>MATSHWAO A 15</b>	<b>8–10</b>	<b>6–7</b>	<b>4–5</b>	<b>2–3</b>	<b>0–1</b>
<b>SEBOPEHO LE TSHEBEDISO YA PUO</b>  Sebopoho, tlhophiso ya mehopolo le nehelano e nang le neeletsano e momohaneng e lebisang tlhalohanyong ya sehlooho mmoho le puo, setaele le sehalo tse sebedisitsweng temeng. <b>MATSHWAO A 10</b>	-Sebopoho se momahaneng  -Selelekela le qetelo di a babatseha  -Dintlha di utullotswe hantle le ho ntshetswa pele ka tsela e hlakileng  -Tshebediso ya puo, sehalo le setaele ke tse sutsitseng, tse susumetsang le ho nepahala	-Sebopoho ke se hlakileng, mme dintlha di hlahisitswe ka tsela e hlalohanyehang.  -Selelekela le qetelo mmoho le diratswana tse ding di hlahisitswe ka tsela e momahaneng.  -Dintlha di hlahisitswe ka tsela e hlalohanyehang.  -Puo, sehalo le setaele boholo di nepahetse.	-O hlahisitse bopaki bo itseng ba sebopoho  -Tlhahanyo le momahano di teng leha di kgera  -Ho na le moo tshebediso ya puo e fosahetseng ha sehalo le setaele tsona di batla di loketse  -Tlhahiso ya mehopolo e a haella, ha e hlalohanyeh, mme ha e na momahano  -Popo ya diratswana e batla e nepahetse	-Sebopoho se bonahala se radilwe ka tsela e fosahetseng  -Mehopolo ha e hlahiswe ka tsela e hlalohanyehang  -Diphoso tsa tshebediso ya puo di totobetse  -Sehalo le setaele ha di a lokela mosebetsi  -Popo ya diratswana e fosahetse	-Kgaello ya ho rala sebopoho ka tshwanelo e sitisa phallo ya mehopolo  -Tshebediso ya puo le ya setaele tse fosahetseng di hlahisitse tema e fokolang haholo  -Popo ya diratswana e fosahetse
<b>MATSHWAO</b>	<b>20–25</b>	<b>15–19</b>	<b>10–14</b>	<b>5–9</b>	<b>0–4</b>

**Matshwao a ka sebediswang bakeng sa ho tshwaya:**

<b>Makgetha a tekanyetso</b>	<b>Matshwao</b>	<b>Senotlolo</b>
Dikahare Sebopoho le Tshebediso ya Puo	15 10	Dik. = STP =
<b>Matshwao ohle</b>	<b>25</b>	

**ELA HLOKO:** Ha karabo ya mohlahlobuwa e tswile lekoteng, motshwai a mo abele matshwao a dikahare le tshebediso ya puo ya kgato ya pele feela.

## POTSO YA 6: **BOTSANG LEBITLA – KPD Maphalla**

### **Selelekela**

Kaha moqoqo ona o lokela ho hlahisa lehlakore le le leng la kgang ya mohlahlobuwa, selelekela se fe moqoqo tsepamo le motjha oo o lokelang ho o nka ha mohlahlobuwa a lekola taba ya hore tikoloho e ba le tshwaetso e kgolo boitshwarong ba mophetwa, a itshetlehole ka mophetwa a le mong kapa ba babedi. **O na le mohopolo o itseng kapa ntihakemo e itseng, mme o hlahisa le ho ntshetsa pele lehlakore leo la hae.**

### **Karabo e ka lebellwang**

Moqoqong wa kgang, mongodi a ka dumellana kapa a hanane le mohopolo ka dintlha tse tshehetsang sehlooho.

**Seratswana ka seng se be le mohopolo wa sehlooho** o hodisang ntihakemo, e se ke ya e ba lethathamo la diketsahalo feela tse hlahang ka bukeng. Seratswana se lokela ho tshehetsa le ho sireletsa nthakemo ya hae se boele se bontshe kutlwisiso e phethahetseng ya sehlooho.

A ntshetse pele moqoqo **ka ho bontsha ka mehlala e tswang bukeng** ho totobatsa ntihakemo ya hae e le ho bontsha kamoo kamano ya **diketsahalo le bophelo ka kakaretso** di ka tshwaetswang/hahlamelwang haholo ke tikoloho kapa a hanane le taba eo kahohlehohle.

### **Phethelo**

Phethelo ya hae e lokela ho tlamahanya kgang ya hae ka ho phethahala.

**[Motshwai a badisise nehelano ya mohlahlobuwa, mme a mo abele matshwao ho ya kamoo a ikamahantseng le sehlooho kateng.]**

[25]

## POTSO YA 7: **BOTSANG LEBITLA – KPD Maphalla**

- 7.1 Re bona Mmamasolomane a thabiswa ke ketsahalo eo mme le sepolesa se bonahala se sa ikemisetsa ho mamela tlhakisetso ya Tsietsi. ✓ ✓ (2)
- 7.2 O bolela hore batho ha ba sa etsa mosebetsi wa bona ka bokgabane, ba dula ba lebelletse ho lefuwa le moo ho sa tshwanelang. ✓ ✓ (2)
- 7.3 O ile a kopana le monnamoholo e mong ya ileng a bona ha Tsietsi a ne a lefuwa ke Van Vuuren, yaba o se a re Tsietsi o utswitse tjhelete ya hae. ✓ ✓ (2)
- 7.4 Tsietsi o ile a Iwantsha dinokwane tse neng di tlo thuba lebenkeleng la Ramatlotlo ka bokgabane bo boholo, ✓ yaba o fuwa mosebetsi ka lona lebaka leo. ✓ (2)
- 7.5 Di re bopela tharahano kaha ke hona ditaba di ntseng di rarahana ho ya pele hobane Tsietsi ha a kgone ho fumana tharollo ya potso ya hae. ✓ ✓ (2)
- 7.6 Kutlwisiso ke ya hore Makgulwaneng ke moo Tsietsi le Tseleng ba ileng ba kgona ho fumana kgefu kaha ba ne ba dula ba baleha sepolesa ka dinako tsohle. ✓ ✓ (2)

- 7.7     • Kotsi o na le kgethollo kgodisong ya hae ya bana; ha a ba hodise ka ho tshwana hobane Tsietsi o ne a hloriswa empa Kotsi a sa kgaleme. ✓ ✓  
       • Ramatlotlo o hodisa bana ba hae ka lerato le tlhokomelo; re bona sena ka lerato leo a le fileng Tsietsi leha e ne e se ngwana wa madi. ✓ ✓ (4)
- 7.8   Lewa leo le totobatsa hore kgotso e ne e se e sa rene lelapeng la ha Kotsi le Mmamasolomane/Mmamasolomane ke mme ya sa itshwarang hantle. ✓ ✓ (2)
- 7.9   Ho kwetelwa ha Tsietsi ho re tjebela pele ketsahalong eo ho yona Tsietsi a ileng a bontsha boqhetseke ba ho sebedisa sethunya ha a ne a sireletsa thepa ya Ramatlotlo, mme sena se etsa re utlwisise hore ke hobane a ne a kwetlisitswe ke sesole se seholo. ✓ ✓ (2)
- 7.10   Ka lebaka la tikoloho ya ditaba tsa pale, e ne e le toka hore ba mo patele ditaba tseo e le ho mo sireletsa ho nneta e neng e ka mo senyetsa bophelo. ✓ ✓ (2)
- 7.11   E a kgolweha hobane kaha mme o tshwara thipa ka bohaleng, a ka ikutlwa hore a ka mpa a lwana a pepile ngwana ho e na le ho mo siya
- KAPA
- Ha e kgolwehe. Ngwana a ka nna a thunngwa kgabong ya ntwa. ✓ ✓ ✓ (3)  
**[25]**

#### POTSO YA 8: *DIEPOLLO – T Seema*

##### **Selelekela**

Kaha moqoqo ona o lokela ho hlahisa lehlakore le le leng la kgang ya mohlahlobuwa, selelekela se fe moqoqo tsepamo le motjha oo o lokelang ho o nka ha mohlahlobuwa a lekola taba ya hore tikoloho e ba le tshwaetso e kgolo boitshwarong ba mophetwa, a itshetlehole ka Theko. **O na le mohopolo o itseng kapa ntihakemo e itseng, mme o hlahisa le ho ntshetsa pele lehlakore leo la hae.**

##### **Karabo e ka lebellwang**

Moqoqong wa kgang, mongodi a ka dumellana kapa a hanane le mohopolo ka dintlha tse tshehetsang sehlooho.

**Seratswana ka seng se be le mohopolo wa sehlooho** o hodisang ntihakemo, e se ke ya e ba lethathamo la diketsahalo feela tse hlahang ka bukeng. Seratswana se lokela ho tshehetsa le ho sireletsa ntihakemo ya hae se boele se bontshe kutlwisiso e phethahetseng ya sehlooho.

A ntshetse pele moqoqo **ka ho bontsha ka mehlala e tswang bukeng** ho totobatsa ntihakemo ya hae e le ho bontsha kamoo kamano ya **diketsahalo le bophelo ka kakaretso** di ka tshwaetwang/hahlamelwang haholo ke tikoloho kapa a hanane le taba eo kahohlehohle.

##### **Phethelo**

Phethelo ya hae e lokela ho tlamahanya kgang ya hae ka ho phethahala.

**[Motshwai a badisise nehelano ya mohlahlobuwa, mme a mo abele matshwao ho ya kamoo a ikamahantseng le sehlooho kateng.]**

**[25]**

**POTSO YA 9: DIEPOLLO – T Seema**

- 9.1 Setshwantsho se hlahellang moo ke sa hore Diepollo a lemohe hore motho ha a tshepahale kaha Dikenkeng eo e neng e le motswalle wa hae o mo fihletse a ntse a mo seba ho mohlankana wa hae Moses. ✓ ✓ (2)
- 9.2 Ha a tshepahale. ✓ ✓ (2)
- 9.3 O ile a mo hoelehetsa, a matha ka mora hae a ba a nna a thula thepa ya batho e rekiswang empa monna eo a se ke a hetla. ✓ ✓ (2)
- 9.4 Ba ne ba baleha hobane ho ne ho bolauwe monna wa lekgowa, Kotsuwopo, mme ho ne ho hasitswe pelaelo ya leshano, ya hore Zeblon o a ameha polaong eo, yaba ba tloha Moemaneng athe Zeblon o tla nyamela ho thibella ya sepolesa. ✓ ✓ (2)
- 9.5 Ke tharahano. Diepollo ke hona a elellwang hore ke ka baka la Dikenkeng a neng a dula a hlekefetswa ke mapolesa. ✓ ✓ (2)
- 9.6 Kutlwisiso ke ya hore Diepollo o ne a tshepa Dikenkeng ka hohlehohle empa a sa lemohe hore eo o ntse a mo anya leleme ebe o bolela ditaba tsa hae sepoleseng. ✓ ✓ (2)
- 9.7
  - Zeblon e ne e le molwanedi wa tokoloho mme o ne a tshepahala mosebetsing oo wa hae. ✓ ✓
  - Moses e ne e le mokwenehi ntweng ya tokoloho; o ne a hloka botshepehi hobane e ne e se e le lepolesa le Iwantshang balwanedi ba tokoloho. ✓ ✓
(4)
- 9.8 Theko ke motho ya leqoophe ya bileng a hloka qenehelo hoo a neng a sa qenehelo kgaitsemi ya hae kaha o ile a e nkela ngwana, a boela a hloka qenehelo ho motjhana wa hae ka ho batla ho mo nyadisa ho Mothofeela. ✓ ✓ (2)
- 9.9 Ka sepheo sa ho re tjebela pele mothating oo mapolesa a neng a tshwara Diepollo hona moo ha Rammulotsi hobane ke kgale a batlelwa molato wa ho fetola lenane la bakudi. ✓ ✓ (2)
- 9.10 Ha se toka. Sena se bontsha kgethollo ya morabe. ✓ ✓ (2)
- 9.11 Tjhadimo ya mongodi malebana le moetlo wa ho kenela ke hore o ne a le kgahlanolong le wona; ke kahoo re bonang a etsa hore Mmadiepollo a balehe ha Leemisa a batla ho mo kenela. ✓ ✓ ✓ (3)

[25]

**POTSO YA 10: MME – NP Maake****Selelekela**

Kaha moqoqo ona o lokela ho hlahisa lehlakore le le leng la kgang ya mohlahlobuwa, selelekela se fe moqoqo tsepamo le motjha oo o lokelang ho o nka ha mohlahlobuwa a lekola taba ya hore tikoloho e ba le tshwaetso e kgolo boitshwarong ba mophetwa, a itshetlehole ka Thollo. **O na le mohopolo o itseng kapa ntihakemo e itseng, mme o hlahisa le ho ntshetsa pele lehlakore leo la hae.**

**Karabo e ka lebellwang**

Moqoqong wa kgang, mongodi a ka dumellana kapa a hanane le mohopolo ka dintlha tse tshehetsang sehlooho.

**Seratswana ka seng se be le mohopolo wa sehlooho** o hodisang ntihakemo, e se ke ya e ba lethathamo la diketsahalo feela tse hlahang ka bukeng. Seratswana se lokela ho tshehetsa le ho sireletsa ntihakemo ya hae se boele se bontshe kutlwiso e phethahetseng ya sehlooho.

A ntshetse pele moqoqo **ka ho bontsha ka mehlala e tswang bukeng** ho totobatsa ntihakemo ya hae e le ho bontsha kamoo kamano ya **diketsahalo le bophelo ka kakaretso** di ka tshwaetswang/hahlamelwang haholo ke tikoloho kapa a hanane le taba eo kahohlehohle.

**Phethelo**

Phethelo ya hae e lokela ho tlamahanya kgang ya hae ka ho phethahala.

**[Motshwai a badisise nehelano ya mohlahlobuwa, mme a mo abele matshwao ho ya kamoo a ikamahantseng le sehlooho kateng.]**

[25]

**POTSO YA 11: MME – NP Maake**

- |      |   |     |
|------|---|-----|
| 11.1 | Dikeledi o ne a thabile haholo hobane a ne a nahana hore o nyalwa ke motjhesi wa hae Tsekiso. ✓ ✓   | (2) |
| 11.2 | Mehleng eo batho neng ba dula dikomponeng ba ne ba bitswa dikwata ka ha ba ne ba sa ruteha mme Dikeledi o ne a sa ntse a ikemiseditse ho tswela pele ka sekolo kahoo o ne a sa lebella ho nyalwa ke Thollo. ✓ ✓ | (2) |
| 11.3 | O ne a bona bophelo bo lerootho ba tshotleho e tshabehang bophelong ba hae ba lenyalo. ✓ ✓  | (2) |
| 11.4 | Dikeledi o ne a ile a thonthodisa Thollo sepatjhe ✓ mme seo se lebositse moo Thollo a etsang qeto ya ho nyala Dikeledi. ✓   | (2) |
| 11.5 | Tharahano ✓ hobane motho ya tlo kopa mohope ke Thollo ha se Tsekiso mme sena se ntshetsa pele poloto ka hore mathata a Dikeledi a hola ho ya pele. ✓  | (2) |
| 11.6 | Leha e se ba madi a le mang Mmateboho o bontshitse lerato ho Mme ke ka hoo re mmonang a matha jwalo ka lehlanya hore a mo fumanele thuso. ✓ ✓   | (2) |

- 11.7 Bafokeng ba Matatiele ke batho ba lonya ba tletseng lenyatso ✓ ✓ ha Rakgadi yena e le motho ya nang le botho kaha o ile a hodisa Dikeledi jwalo ka ngwana wa hae le ho mo ruta botho. ✓ ✓ (4)
- 11.8 Le re bolella hore ke motho ya sa hlompheng maikutlo a batho ba bang ke ka hoo a ileng a nyala Dikeledi ntle le hore a mo rerise hantle ka botho. ✓ ✓ (2)
- 11.9 Sepheo sa mongodi ke ho sireletsa seriti sa bomme le ho ba hlahisa e le batho ba tsebang ho baballa kgotso ya malapa a bona le a ba bang. ✓ ✓ (2)
- 11.10 Ho robala hodima lebitla ho entse hore Dikeledi a bipe tsohle tse bohloko tse mo hlahetseng bongwananeng ba hae ho kenyelletswa le ho lahlwa ke Tsekiso, a tle a kene lenyalong hantle ka moyo o kgutsitseng. ✓ ✓ (2)
- 11.11 Tikoloho e ntjha eo Thollo a ileng a iphumana a se a le ho yona ke yona e ileng ya mo fetola hore e be motho ya hlokang tlhompho ya meetlo ya Basotho hoo a ileng a qetella a se a nyala Dikeledi a sa mmolella hore o ntse a e na le mofumahadi e mong kwana hae Matatiele. ✓ ✓ ✓ (3)  
[25]

**POTSO YA 12: TUTUDU HA E PATWE – M Mahanke****Selelekela**

Kaha moqoqo ona o lokela ho hlahisa lehlakore le le leng la kgang ya mohlahlouwa, selelekela se fe moqoqo tsepamo le motjha oo o lokelang ho o nka ha mohlahlouwa a lekola taba ya hore tikoloho e ba le tshwaetso e kgolo boitshwarong ba mophetwa, a itshetlehole ka Dikgapane. **O na le mohopolo o itseng kapa ntihakemo e itseng, mme o hlahisa le ho ntshetsa pele lehlakore leo la hae.**

**Karabo e ka lebellwang**

Moqoqong wa kgang, mongodi a ka dumellana kapa a hanane le mohopolo ka dintlha tse tshehetsang sehlooho.

**Seratswana ka seng se be le mohopolo wa sehlooho** o hodisang ntihakemo, e se ke ya e ba lethathamo la diketsahalo feela tse hlahang ka bukeng. Seratswana se lokela ho tshehetsa le ho sireletsa nthakemo ya hae se boele se bontshe kutlwiso e phethahetseng ya sehlooho.

A ntshetse pele moqoqo **ka ho bontsha ka mehlala e tswang bukeng** ho totobatsa ntihakemo ya hae e le ho bontsha kamoo kamano ya **diketsahalo le bophelo ka kakaretso** di ka tshwaetswang/hahlamelwang haholo ke tikoloho kapa a hanane le taba eo kahohlehohle.

**Phethelo**

Phethelo ya hae e lokela ho tlamahanya kgang ya hae ka ho phethahala.

**[Motshwai a badisise nehelano ya mohlahlouwa, mme a mo abele matshwao ho ya kamoo a ikamahantseng le sehlooho kateng.]**

[25]

**POTSO YA 13: TUTUDU HA E PATWE – M Mahanke**

- |      |  |     |
|------|--|-----|
| 13.1 | Re bona pono e sa tlwaeleheng, moo matitjhere le bana ba mathang ha tshepe e lla, e leng taba e neng e sa tlwaeleha sekolong sa Sedibeng. ✓ ✓  | (2) |
| 13.2 | O ne a bolela hore Ntefeleng a phahamele mapoqo a yo ipuella ho titjhere. ✓ ✓  | (2) |
| 13.3 | Ke ketsahalo eo ho yona bana ba sekolo ba fuwang mosebetsi ka letsatsi la pele dikolo di butswe, ba bile ba rutwa. ✓ ✓   | (2) |
| 13.4 | Sesosa ke hore Thebe o bile mona ✓ ka Tutudu a ba a rekela bana ba sekolo jwala e le hore ba senyetse Tutudu mme sephetho ke hore ba ile ba senyetsa Tutudu jwalo ka ha ho ne ho lebelletswe yaba ba a tshwarwa. ✓ | (2) |
| 13.5 | Lebaka ke hore o ile a fihlelwa ke letswalo la ho se batle ho etsa bobo hammoho le lerato la hae ho Tutudu le neng le qala ho ba teng. ✓ ✓   | (2) |
| 13.6 | Ke tharahano. ✓ Ntefeleng o ne a leka ho kgobokanya batho ba tlang ho ba lehlakoreng la titjhere Tutudu kaha o ne a bona hore batho ba batla ho hlanohela titjhere. ✓  | (2) |

- 13.7 O ne a sa ikemisetsa ho fekiswa morerong wa hae wa ho utlwana le titjhere Tutudu. ✓ ✓ (2)
- 13.8 • Motsamai ke moetapele ya nang le maikemisetso mosebetsing wa hae wa sekolo. O tsitlallela ho etsa dintho ka toka. ✓ ✓  
 • Thabang ke mothuti wa setlokotsebe se sa ikemisetsang ka mosebetsi wa sekolo kaha ke yena ya hlohleletsang hore titjhere Tutudu a lelekwe mosebetsing. ✓ ✓ (4)
- 13.9 Maikemisetso a malome wa Tutudu ke ho bona kgotso e rena lapeng la hae, a sa rate dikgohlano ka lapeng; o ne a lakatsa ho lokisetsa motjhana ka setu ka lehlakoreng le leng a sa kgopise mofumahadi wa hae. ✓ ✓ (2)
- 13.10 Ho lokile kaha ke lewa la mongodi la ho re fihlisa ho tlholo dingolweng moo diketso tse sa lokang, tse entsweng ke Thebe, di lokelang ho fumantshwa kotlo. ✓ ✓ (2)
- 13.11 • Mongodi o batla ho re bontsha hore namane e nyekwa ke mmayona ke kahoo re bonang malomae le yena a bontsha lerato la hae ho motjhana wa hae le hoja a ne a se na matla hakaalo.  
 • Mongodi o batla ho re bontsha matla ao mosadi o nang le ona lapeng la hae a ho etsa eng kapa eng. ✓ ✓ ✓ [Batshwai ba ananele dikarabo tsa bahlahlobuwa] (3)  
**[25]**

**SENGOLWA SA BOHOLOHOLO****POTSO YA 14: KE QATI E A LOMISANWA – SJ Mamashela****Selelekela**

'Phokojwe ho phela e diretsana'. Ana ke maele a Basotho a hhalosang hore motho ya bohlale a keke a sitwa ho rarolla bothata boo a tobanang le bona. Sena se a hlahella tshomong ya 'Pepefuku le Ramano'. Moqoqo ona ke o hhalosang mme mohlahlobuwa a ka hhalosa maele ana ka ho bontsha hore motho ya bohlale ha a tobane le bothata o sebedisa bohlale ba hae ho bo rarolla.

**Karabo e ka lebellwang**

A ka bontsha kamoo maele ana a iponahatsang ka teng tshomong ya 'Pepefuku le Ramano'. A qale a bontshe pele hore bothata bo hlahile ka tsela e jwang, ebe o bontsha mokgwa oo tharollo e etsahetseng ka wona.

**Phethelo**

Phethelo ya hae e lokela ho tlamahanya moqoqo wa hae ka ho phethahala.

**[Motshwai a badisise nehelano ya mohlahlobuwa, mme a mo abele matshwao ho ya kamoo a ikamahantseng le sehlooho kateng.]**

[25]

**POTSO YA 15: DIPOTSO TSE KGUTSHWANE****KE QATI E A LOMISANWA – SJ Mamashela**

- |      |   |     |
|------|---|-----|
| 15.1 | Masopha. ✓  | (1) |
| 15.2 | Mefeng ke seemela sa dibetsa, mme e nyenyefaditswe ho bontsha hore dihlomo tsa ba direng di ne di fokola ha di bapiswa le tsa Lioli (lebotho la Masopha). ✓ ✓                                 | (2) |
| 15.3 | Kgomoe mathe e pepile namane.<br>Motho a mathe a pepile ngwana!<br>Melathoko ya 4 le 5. ✓ ✓<br>[Tshwya e le nngwe feela]  | (2) |
| 15.4 | Le re senolela hore Masopha e ne e le mohale ya neng a bile a le lebelo ntweng, jwalo ka Motlejwa eo e neng e le ledimo le neng le le sebete ho feta a mang, le bile le le lebelo haholo. ✓ ✓ | (2) |
| 15.5 | Dithebe tsa Lioli di ne di entswe ka matlalo a mabedi a dikgomo tse fapaneng, ho etsetsa hore di se ke tsa taboha kapele ha Lioli di hlaselwa. ✓ ✓ ✓  | (3) |
| 15.6 | Ke ne nka inehela, ke lahle marungwana kaha ha o inehela ntweng ha o bolawe empa o a baballwa ebe ho batlwa sethabathaba sa ho o pholosa ho ba heno. ✓ ✓                                      | (2) |

- 15.7 Senannapo o ne a le motle a bile a ratwa ke setjhaba hobane a ne a e na le pelo e ntle, jwale metswalle e ile ya honohelo taba eo. ✓ ✓ (2)
- 15.8 O ne a hlokometse hore papadi ya mohlang oo e ka nna ya ba ntsha kotsi. ✓ ✓ (2)
- 15.9 Ba kgopo. Ba bolaya motswalle wa bona ka baka la mona. ✓ ✓ (2)
- 15.10 E, se bontsha tlholo. Toka e ile ya phethahala ha baetsi ba bobe ba fumanwa mme ba fuwa kotlo. ✓ ✓ (2)
- 15.11 Nka be ke ile ka ithuta boitshwaro ba Senannapo kaha bo ne bo kgahla setjhaba, ho e na le hore ke mo honohele. ✓ ✓ ✓ (3)
- 15.12 Ke thuto ya hore ha re a tshwanela hoba le mona hobane o senya ntho tse ntle.  
Ke thuto ya hore leshano ha le na mokoka. ✓ ✓  
[Tshwaya e le nngwe feela] (2)  
[25]

**MATSHWAO OHLE A KAROLO YA B:** 25

**KAROLO YA C: TSHWANTSHISO/TERAMA****POTSO YA 16: SEYALEMOYA – RH Moeketsi****'HA SE BOYA BA NTJA' – PM Ramathe****Selelekela**

Kaha moqoqo ona o lokela ho hlahisa lehlakore le le leng la kgang ya mohlahlobuwa, selelekela se fe moqoqo tsepamo le motjha oo o lokelang ho o nka ha ha mohlahlobuwa a lekola puokeletsi e reng: 'Motho a ka mpa a tshepa lejwe ho e na le ho tshepa motho', a ipapisitse le kamano ya Lesodi le Kgasiane. **O na le mohopolo o itseng kapa ntlhakemo e itseng, mme o hlahisa le ho ntshetsa pele lehlakore leo la hae.**

**Karabo e ka lebellwang**

Moqoqong wa kgang, mongodi a ka dumellana kapa a hanane le mohopolo ka dintlha tse tshehetsang sehlooho.

**Seratswana ka seng se be le mohopolo wa sehlooho** o hodisang ntlhakemo, e se ke ya e ba lethathamo la diketsahalo feela tse hlahang ka bukeng. Seratswana se lokela ho tshehetsa le ho sireletsa nthakemo ya hae se boele se bontshe kutlwisiso e phethahetseng ya sehlooho.

A ntshetse pele moqoqo **ka ho bontsha ka mehlala e tswang bukeng** ho totobatsa ntlhakemo ya hae e le ho bontsha kamoo kamano ya **diketsahalo le bophelo ka kakaretso** di ka bontshang kamoo motho a ka tshepang lejwe ho e na le ho tshepa motho kateng, kapa kamoo a hananang le puokeletsi eo kateng.

**Phethelo**

Phethelo ya hae e lokela ho tlamahanya kgang ya hae ka ho phethahala.

[25]

**[Motshwai a badisise nehelano ya mohlahlobuwa, mme a mo abele matshwao ho ya kamoo a ikamahantseng le sehlooho kateng.]**

**POTSO YA 17: SEYALEMOYA – RH Moeketsi****'BOHLOKO BA KA' – AM Mobote**

- |      |  |     |
|------|--|-----|
| 17.1 | Bo bakilwe ke hore o ne a se a felletswe ke lerato ho Dineo. ✓ ✓   | (2) |
| 17.2 | E kotsi hobane <b>Teboho</b> o se a fetohela Dineo a bile a bontsha kgethollo ho ngwana kaha e ne e le lesafe. | (1) |
| 17.3 | A re senolela maikutlo a thabo kaha a thabetse hoba le ngwana le motho eo a mo ratang. ✓ ✓                     | (2) |
| 17.4 | Ke hobane ngwana e ne e le lesafe mme o ne a ipoleletse hore ha ho lesafe habo. ✓                              | (1) |
| 17.5 | E sithabetsa maikutlo. ✓ Ha se tsela e nepahetseng ya ho buisa motho e mong. ✓                                 | (2) |

- 17.6 Ke ditshupiso tsa se lokelang ho etsuwa sethaleng. ✓ (1)
- 17.7 O ile a mo nyahlatsa, a mo siya mathateng a ntse a tseba hore Dineo ha a na beng. ✓ ✓ (2)
- 17.8 E thusa ka ho re Dineo o ile a fumana motho ya ileng a mo rata a ba a mo nyala. ✓ ✓ (2)
- 17.9 Teboho o bontshitse kgethollo ka hore a hane ngwana hobane feela e le lesofe. ✓ ✓ (2)
- 17.10 Ke Thabo ✓ hobane o ile a nyala Dineo ha Teboho a qeta ho mo nyahlatsa. ✓ ✓ (3)
- 17.11 Mehleng ya tokoloho, ✓ moo batho ba seng ba pepela sepetlele. ✓ (2)
- 17.12 Ha a rate batho ba basadi; o bona basadi e le batho ba sa tshephahaleng. ✓  
Ke moo Dineo le Thabo ba seng ba phuthana ka ho nyalana. ✓ ✓ (3)
- 17.13 E, ke mo utlwela bohloko hobane o ne a rata Puleng hoo a neng a rerile ho mo nyala yaba Puleng o a mo phoqa.  
Tjhe, ha ke mo utlwele bohloko hobane o ne a ntse a tseba hore yena le Puleng ba mpa ba itlosa bodutu. ✓ ✓ (2)  
[25]

**POTSO YA 18: HAESO MAFOTHOLENG – CJ Teleki****Selelekela**

Kaha moqoqo ona o lokela ho hlahisa lehlakore le le leng la kgang ya mohlahllobuwa, selelekela se fe moqoqo tsepamo le motjha oo o lokelang ho o nka ha ha mohlahllobuwa a lekola puokeletsi e reng: 'Motho a ka mpa a tshepa lejwe ho e na le ho tshepa motho', a ipapisitse le kamano ya sebapadi se le seng kapa tse pedi. **O na le mohopolo o itseng kapa ntihakemo e itseng, mme o hlahisa le ho ntshetsa pele lehlakore leo la hae.**

**Karabo e ka lebellwang**

Moqoqong wa kgang, mongodi a ka dumellana kapa a hanane le mohopolo ka dintlha tse tshehetsang sehlooho.

**Seratswana ka seng se be le mohopolo wa sehlooho** o hodisang ntihakemo, e se ke ya e ba lethathamo la diketsahalo feela tse hlahang ka bukeng. Seratswana se lokela ho tshehetsa le ho sireletsa ntihakemo ya hae se boele se bontshe kutlwisiso e phethahetseng ya sehlooho.

A ntshetse pele moqoqo **ka ho bontsha ka mehlala e tswang bukeng** ho totobatsa ntihakemo ya hae e le ho bontsha kamoo kamano ya **diketsahalo le bophelo ka kakaretso** di ka bontshang kamoo motho a ka tshepang lejwe ho e na le ho tshepa motho kateng, kapa kamoo a hananang le puokeletsi eo kateng.

**Phethelo**

Phethelo ya hae e lokela ho tlamahanya kgang ya hae ka ho phethahala.

**[Motshwai a badisise nehelano ya mohlahllobuwa, mme a mo abele matshwao ho ya kamoo a ikamahantseng le sehlooho kateng.]**

**POTSO YA 19: HAESO MAFOTHOLENG – CJ Teleki**

- |      |  |     |
|------|--|-----|
| 19.1 | O ne a tenehile hobane o ne a sa lebella hore Molefi o tla bitsa metswalle ya hae. ✓ ✓                                     | (2) |
| 19.2 | Jwalane ha a di hadikela ho di ja hobane ke mona o tella mohlankana wa hae Molefi pontsheng ya basebetsimmoho le yena. ✓ ✓ | (2) |
| 19.3 | Mothinya ke ha Jwalane a tswa a ba siya ho bontsha hore o ne a sa thabela ketso eo ya Molefi. ✓ ✓                          | (2) |
| 19.4 | Ha se ntho e nepahetseng hobane ke metswalle, ke baahisane, ke basebetsimmoho mme ba tshwanetse ho tshehetsana. ✓ ✓        | (2) |

- 19.5 Selelekela: Tlhekelong Jwalane o fihla ha Molefi. Molefi o botsa Jwalane hore hobaneng ha a fihlile pele ho nako eo ba dumellaneng ka yona mme ba fapanwa ka mantswe. ✓  
 Tharahanyo: Ke moo Jwalane a kenang ditaba tsa banna ka sehlotho, ha Mofammere a mo kgalema o ba araba ka lenyatso. ✓  
 Phethelo: Ke moo metswalle ya Molefi boMofammere ba nkileng qeto ya ho tsamaya ka mora hore ba hlokomele boitshwaro bo hlephileng ba Jwalane. ✓ (2)
- 19.6 Tjhe ha a atleha hobane tshwantshisong ha re bone moo Molefi a phethisang diketso tse bontshang tumelo eo ya bodumedi ba Sekereste. ✓ ✓ (2)
- 19.7 Karaburetso ya pono. ✓ (1)
- 19.8 E re hetlisa morao ketsahalong moo buka e qalang ha Mapetla a rerang ho swetsa Pitso le ba lelapa la hae. ✓ ✓ (2)
- 19.9 A senola sehalo sa kgalefo hoba Mofammere o se a hlokometse seo Mapetla a se etsang le boNgatana. ✓ ✓ (2)
- 19.10 E, o atlehile hobane Ramafothole o entse makgobonthithi ohle ho fothola katleho ya Molefi le ho mo senyetsa bokamoso. ✓ ✓ (2)
- 19.11 Pitso ha a ka a mamela mohatsae ha a mo eletsa hore ba ke ba ye ngakeng ya methokgo, ka ha a bona ngwana wa bona a sebeditswe. ✓ ✓ (2)
- 19.12 Se sa kgolweheng ke ha ditlhare tsa Mapetla di etsa Molefi a fetohet phoofolo ka ho tlala boyo mmeleng. ✓ ✓ (2)
- 19.13 Molaetsa ke hore re se iketse makgolwa ka ho lahla setso sa rona. Tumelo ya Pitso ya ho bua ka Sekereste empa a sa bontshe hoo, e entse hore mora a senyehelwe ke tsohle. ✓ ✓ (2)  
**[25]**

**POTSO YA 20: MOFUTA WA POTSO E TELELE****LEJWE LA KGOPISO – T Letshaba****Selelekela**

Kaha moqoqo ona o lokela ho hlahisa lehlakore le le leng la kgang ya mohlahlobuwa, selelekela se fe moqoqo tsepamo le motjha oo o lokelang ho o nka ha mohlahlobuwa a lekola puokeletsi e reng 'ho sebetsa ka thata ho a putsa bophelong.' **O na le mohopolo o itseng kapa ntlhakemo e itseng, mme o hlahisa le ho ntshetsa pele lehlakore leo la hae.**

**Karabo e ka lebellwang**

Moqoqong wa kgang, mongodi a ka dumellana kapa a hanane le mohopolo ka dintlha tse tshehetsang sehlooho.

**Seratswana ka seng se be le mohopolo wa sehlooho** o hodisang ntlhakemo ya hae, e se ke ya e ba lethathamo la diketsahalo feela tse hlahang ka bukeng. Seratswana se lokela ho tshehetsa le ho sireletsa ntlhakemo ya hae, se boele se bontshe kutlwisiso e phethahetseng ya sehlooho.

A ntshetse pele moqoqo **ka ho bontsha ka mehlala e tswang bukeng** ho totobatsa ntlhakemo ya hae e le ho bontsha kamoo kamano ya **diketsahalo le bophelo ka kakaretso** di ka bontshang kamoo ho sebetsa ka thata ho putsang kateng, kapa kamoo a hananang le puokeletsi eo kateng.

**Phethelo**

Phethelo ya hae e lokela ho tlamahanya kgang ya hae ka ho phethahala.

**[Motshwai a badisise nehelano ya mohlahlobuwa, mme a mo abele matshwao ho ya kamoo a ikamahantseng le sehlooho kateng.]**

[25]

**POTSO YA 21: LEJWE LA KGOPISO – T Letshaba**

- |      |  |     |
|------|--|-----|
| 21.1 | Ke boipelaetso ba basebetsi ha ba ne ba etsa mohwanto hobane ba sa kgotsofalla moputso oo Mohlouwa a ba lefang wona. ✓ ✓ | (2) |
| 21.2 | Bobedi ba dibapadi tsena di rerela batho ba bang bobe. ✓   | (1) |
| 21.3 | A re senolela hore o halefile. ✓ ✓   | (2) |
| 21.4 | Naledi o ne a ngongorehiswa ke tlala e tlo aparela lelapa la hae le bophelo bo boima bo mo tjametseng. ✓                 | (1) |
| 21.5 | Ke ho lahlehelwa ke mosebetsi. ✓ ✓   | (2) |
| 21.6 | Ke ditshupiso tsa lokelang ho etsuwa sethaleng. ✓  | (1) |
| 21.7 | Ke ya ho ba le dikamano tsa marato le mosadi wa Tsietsi. ✓   | (1) |

- 21.8 E thusa ka hore poloto e tswele pele ka ho re fihlisa tsitsipanong e re lebisang sehloholong, moo Tsietsi a tlo bolaya dibapadi tse ding. ✓ ✓ (2)
- 21.9 Di ikutlwahatsa karolong eo Mohlouwa a reng o lelekile Tsietsi hobane a re ke moferekanyi. ✓ Ho ya ka Mohlouwa, bobedi Tsietsi le Thapelo ke baferkanyi empa o leleka moferekanyi a le mong. ✓ ✓ (3)
- 21.10 Ke Pheleu. ✓ Le ha Pheleu a ntse a bona hore Mohlouwa o etsa phoso, ha a mo kgaleme kaha a itjhebile boyena. ✓ ✓ (3)
- 21.11 Ke mehleng ya demokerasi; ✓ ho ntse ho ahwa matlo a RDP. ✓ (2)
- 21.12 E sibolla hore tjhadimo ya mongodi ke hore ha a ananele marato a ka ntle ho lenyalo, le taba ya hore a se re kumele ka pheletso ya Tsietsi e bontsha hore ha a batle ho ahlola Tsietsi. ✓ ✓ ✓ [Dikarabo tsa bahlahlobuwa di elwe tlhoko] (3)
- 21.13 E, ke mo utlwela bohloko. Ha ho motho ya tshwanetseng hore a bolauwe. ✓ ✓ (2)  
Tjhe, ha ke mo utlwela bohloko hobane ke lewa leo mongodi a le sebedisitseng ho fana ka kotlo e loketseng bobe boo Mohlouwa a bo entseng. [25]

**MATSHWAO OHLE A KAROLO YA C:  
MATSHWAO OHLE A PAMPIRI ENA:** 25  
80